



Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

XI. De Presbyteris qui uxores acceperunt vel fornicati sunt.

urn:nbn:de:hbz:466:1-14622

De Presbyteris qui uxores acceperunt vel fornicati sunt.

C A P. X I.

Item de Presbyteris qui uxores acceperint,
vel fornicati sunt, in Concilio Neocæsareensi
Regino lib.
1. c. 84. " cap. v. scriptum est: Presbyter si uxorem ac-
cepit, ab ordine deponatur; si verò fornicata-
tus fuerit, aut adulterium perpetraverit, am-
plius pelli deber, & ad pœnitentiam redigi.

Item ex decretis Innocentij Papæ cap. xxvi.
Regino lib.
1. c. 88. " Propterea, quod dignum & pudicum & hone-
stum est, tenere omnino Ecclesia debet, ut Sa-
cerdotes & Levitæ cum uxoribus suis non coë-
ant, quia ministerij quotidiani necessitatibus
occupantur. Scriptum est enim: *Sancti estote,*
" *quia ego sanctus sum Dominus Deus vester.*
" Nam priscis temporibus de templo Dei Sacer-
dotes anno vici suæ non discedebant, sicut de
Zacharia legimus, nec domum suam omnino
Decreta In-
noc. I. c. 21. " tangebant. Quibus utique propter sobolis suc-
cessionem uxoris usus fuerat relaxatus, quia
ex alia tribu, & præter ex semine Aaron, ad
sacerdotium nullus fuerat præceptus accedere.
Quanto magis hi Sacerdotes vel Levitæ pudi-
citiam ex die ordinationis suæ servare debent,
quibus vel sacerdotium vel ministerium sine
successione est, nec præterit dies quo vel à sa-
crificiis divinis vel baptismatis officio vacent.
Nam si Paulus ad Corinthios scribens ait, *Ab-*
stinete vos ad tempus, ut vacetis orationi, &
hoc utique laicis præcepit, multò magis sacer-
dotes, quibus & orandi & sacrificandi jugiter

officium est , semper debent ab hujusmodi
consortio abstinere. Qui si contaminatus fue-
rit carnali concupiscentia , quo pudore vel sa-
cificare forsitan usurpabit ; aut qua conscienc-
tia quóve merito exaudiri se credit , cùm di-
ctum sit : *Omnia munda mundis ; coquinatis* *Tit. 1.*
autem & infidelibus nihil est mundum.

Item in decretis Leonis Papæ cap. xvi.

scriptum : Lex continentiae eadem est altaris *" Regino lib.*
ministris quæ Episcopis atque Presbyteris: *" I. C. 96.*
qui cùm essent laici sive lectors , licet & uxo-
res ducere & filios procreare potuerunt . Sed *"*
cùm pervenerint ad prædictos gradus , cœpit *"*
eis non licere quod licuit . Unde ut de carnali *"*
sit spiritale conjugium , oportet eos nec di-*"*
mittere uxores , & quasi non habeant , sic ha-*"*
bere ; quò & salva sit caritas connubiorum , & *"*
cesset operatio nuptiarum . *"*

Item in Carthaginensi Concilio cap xxv.

Aurelius Episcopus dixit . Addimus , fratres *" Regino lib.*
carissimi , præterea cùm de quorumdam Cle- *" I. C. 92.*
ricorum , quamvis Lectorum , erga uxores *"*
proprias incontinentia referretur , placuit , *"*
quod & diversis Conciliis confirmatum est , ut *"*
Subdiaconi , qui sacra mysteria contrectant , *"*
& Diaconi , & Presbyteri , sed & Episcopi , se- *"*
cundùm priorum statuta , etiam ab uxoribus *"*
se abstineant , ut tanquam non habentes esse *"*
videantur . Quòd si non fecerint , ab ecclesia- *"*
stico removeantur officio . Ceteros autem *"*
Clericos ad hoc non cogi , nisi maturiori ætate . *"*

